

## ARLeF: SI CIRIN VOLONTARIS PAR PROMОВI IL FURLAN

*A saran un supuart impuartant intes ativitâts a Friuli Doc, Zornade Europeane des Lenghis, Gusti di Frontiera e Suns Europe. Il bant al è viert ai maiôrs di etât.*

Di Setembar a Dicembar, come ogni an, la ARLeF - Agenzie Regjonâl pe Lenghe Furlane e sarà presinte cul so bancut aes manifestazions plui impuartantis par promovî, soredu fra i zovins, la lenghe furlane, distribuint materiâi divulgatîfs, struments pe lenghe e gadgets. A chest fin, la Agenzie e vûl avalêsi de colaborazion di **dîs voluntaris** di destinâ al acet dai visitadôrs, ae distribuzion di materiâi, ae informazion ancje plurilingâl al public e al supuart logjistic.

I voluntaris a davuelzaran chestis ativitâts a titul gratuit e a colaboraran a strent cul personâl de ARLeF e dal Sportel Regjonâl pe Lenghe Furlane che al gjestis i events. Ai stes ur ven domandât di ufrî la disponibilîtât a partecipâ a un percors formatîf curt e la presince a une o a plui manifestazions in program: ai 13/14/15/16 di Setembar par Friuli Doc (Udin); ai 26 di Setembar pe Zornade Europeane des Lenghis; ai 29/30 di Setembar par Gusti di Frontiera (Gurize); al 1<sup>n</sup> e ai 2 di Dicembar par Suns Europe, Festival des arts in lenghe minoritarie (Udin).

A puedin presentâ domande di partecipazion dome i maiôrs di etât. A varan la precedence i zovins dai 18 ai 40 agns, cun esperience intai rapuarts cul public e cun cognossince di une o plui di chestis lenghis, di là dal talian: furlan, inglês, todesc, sloven.

La ARLeF e ufris ai voluntaris che a vignaran sielzûts un bon pal acüst di libris di € 25,00 una tantum, une borse regâl cun materiâi su la lenghe furlane fats e/o promovûts de Agenzie e l'atestât di partecipazion ae ativitât formative e ai events.

Lis domandis di partecipazion (che si puedin scjariâ dal web ae direzion [www.arlef.it](http://www.arlef.it), sezion "Bant garis e avîs"), compiladis come cu va e cu lis zontis domandadis, a van inviadis ae ARLeF, **dentri di lunis ai 3 di Setembar**, midiant di une di chestis modalitâts: vie PEC: [arlef@certgov.fvg.it](mailto:arlef@certgov.fvg.it); vie pueste eletroniche: [arlef@regione.fvg.it](mailto:arlef@regione.fvg.it); cun consegne a man in orari di ufici li de sede de ARLeF, in vie della Prefettura 13, a Udin. Par altris domandis o informazions, si pues scrivi a [arlef@regione.fvg.it](mailto:arlef@regione.fvg.it), o telefonâ al numar 0432.555812.

Udin, ai 13 di Avost dal 2018

### INFORMAZIONS PE STAMPE - INFORMAZIONI PER LA STAMPA

**Ufficio Stampa ARLeF** CALT relazioni pubbliche Tel. + 39 0432 229127 / **e-mail: [arlef@caltpr.it](mailto:arlef@caltpr.it)**  
Adriano Del Fabro - mob. + 39 338 3245229 / Adriana Cruciatti - mob. +39 335 6853775

<<<<<<<<<<<<